



*Let the mind manage the body  
Que l'esprit gère le corps*

# KREOL MORISIEN

(Subject code No. P220)

## MAURITIUS EXAMINATIONS SYNDICATE

### Primary School Achievement Certificate Assessment

**2021-2022**

**Time: 1 hour 45 Minutes**

**Total Marks: 100**

#### INSTRUCTIONS TO CANDIDATES

- Check that this assessment booklet contains **9** questions printed on **15** pages numbered 2, 3, 4, 5, 6, 7, 8, 9, 10, 11, 12, 13, 14, 15 and 16.
- Write your Index Number on the assessment booklet in the space provided above.
- You should not use red, green or black ink in answering questions.
- Write all your answers clearly in the assessment booklet.
- Attempt **all** questions.

Question	Marking		Revision		Control	
	Marks	Sig	Marks	Sig	Marks	Sig
1						
2						
3A						
3B						
4A						
4B						
5						
6A						
6B						
7A						
7B						
8A						
8B						
9						
<b>Total</b>						
<b>HG 1 - 8B</b>						
<b>HG - 9</b>						

### Kestion 1 (5 pwin)

Relie sak fraz ki dan kolonn A avek fraz ki bizin dan kolonn B. Enn lexanp finn fini fer. Fer atansion! Ena enn fraz amplis dan kolonn B.

**A**

Adrien pe get televizion dan salon.

Zordi, letan pa bon.

Mo tantinn malad.

Li pe antrene dan stad.

Papa pe kwi enn bon manze.

So soulie finn kase.

**B**

- Ena boukou lapli ek divan.

- Zame li finn mont bisiklet.

- Fami pe vinn dine aswar.

- Li finn al magazin pou aste enn nouvo per.

- Pe zwe enn zoli fim.

- Mo pou rann li enn vizit taler.

- Pou ena enn konpetision sportif lot semenn.

**Kestion 2 (10 pwin)****Anserkle bon repons.****Lexanp:**

Yer, Gina ..... al kot so kamarad ki res Port Louis.

**A** pou**C** ava**B** pe**D** ti

1. Mike pe al kot dantis taler. Eski to pou akonpagn ..... ?

**A** mwa**C** nou**B** li**D** twa

2. Dan so lanfans, mo papa ..... kontan al lapes toule Dimans.

**A** ti**C** pou**B** pe**D** ava

3. Sa misie-la ek so madam finn al travay. ..... finn pran enn taxi pou ale.

**A** Li**C** Zot**B** To**D** Nou

4. « Kan to fer dezord, ..... ki bizin netwaye, pa mwa. »

**A** momem**C** noumem**B** zotmem**D** tomem

M
HG
QC
CE



**Kestion 3A (5 pwin)****Trouv mo ki koresponn avek sak deskripsion.****Lexanp:** Delo ki tonbe depi niaz: I a p l i

- (i) Zelev fer zot devwar ladan: k \_\_\_\_\_
- (ii) Zwe badminton avek sa: r \_\_\_\_\_
- (iii) Landrwa kot gard loto: g \_\_\_\_\_
- (iv) Nou servi sa instriman-la pou tir foto: k \_\_\_\_\_
- (v) Nou al laba pou get fim: s \_\_\_\_\_

M
HG
QC
CE

**Kestion 3B (5 pwin)****Anserkle bon repons.**

1. Mo finn fer enn dile so pou donn sat ..... .  
**A** manze                           **C** bwar  
**B** zete                              **D** dormi
2. Toulezour mo al lor bistop pou ..... bis.  
**A** desann                           **C** atann  
**B** mont                             **D** alim
3. Fer atansion to tonbe. Lapli finn tonbe ek semin bien ..... .  
**A** sek                               **C** zoli  
**B** nef                               **D** glisan
4. Mo pe al ..... pou avoy enn let mo kamarad.  
**A** boulanzri                       **C** lafarmasi  
**B** lapos                             **D** libreri
5. Sa loto-la tro ..... Samem li pa kapav kontign roule.  
**A** vie                               **C** rapid  
**B** sal                               **D** intelizan

M
HG
QC
CE

## Kestion 4A (10 pwin)

Lir sa text-la ek reponn bann kestion ki swiv.

# KONKOUR DESIN

Sant Zenes Rose Belle pe invit zelev ki interese pou partisip dan enn konkour desin lor tem

## 'Anou prezerv lanatir'

**Dat:** Samdi 26 Novam 2022

**Ler:** Depi 10.00 gramatin ziska midi

**Plas:** Lekol primer Rose Belle

### Ena 3 kategori partisipan

#### **Zelev lekol maternel (4-5 an)**


zot bizin fer enn desin avek kreyon kouler

#### **Zelev lekol primer (6-12 an)**

zot bizin fer enn desin avek pennel

#### **Zelev lekol segonder (13-18 an)**

zot bizin fer enn desin avek lapintir



### Linformasian importan:



Bizin fer inskripsion o-plitar Merkredi 23 Novam pou kapav partisip dan sa konkour-la.

Sa zour-la, sak partisipan bizin vinn omwin 15 minit avan konkour-la koumanse.

**Pri**

Pou donn Rs 1000 sak gagnan par kategori.

### Pou plis linformasian,

telefond ofisie Sant Zenes Rose Belle lor 5111 22 33.

1. Kisann-la pe organiz sa levennman-la?

..... [1]

2. Ki tem sa levennman-la?

..... [1]

3. Kan pou fer sa levennman-la?

..... [1]

4. Nomm de kategori partisipan:

(i) ..... [1]

(ii) ..... [1]

5. Kot pou fer sa levennman-la?

..... [1]

6. Avek ki zafer zelev ki ena 6-12 an pou desine?

..... [1]

7. Ki bizin fer pou partisip dan sa konkour-la?

..... [1]

8. Ki pri sak gagnan pou resevwar?

..... [1]

9. Kisann-la bizin telephone pou gagn plis detay lor sa levennman-la?

..... [1]

M
HG
QC
CE

## Kestion 4B (15 pwin)

Lir sa pasaz-la ek reponn bann kestion ki swiv.

Ijas res Curepipe ek Vikram res Port Louis. Mem si zot res Iwin ek zot kamarad, zot de bon kamarad. Avan Ijas ek Vikram ti vwazin. Toule-de garson ti kontan zwe football, zwe devinet ek manz briyani ansam. Zot ti selebre tou bann laniverser ek bann fet ansam.

Ijas ti bien tris kan so bon kamarad Vikram ti demenaze pou al res Port Louis. Me erezman, Vikram ti pe avoy li bann let souvan. Vikram so bann let ti pe touzour rann li ere. Ijas ti sirtou kontan rezoud bann devinet ki ti ena dan bann let-la.

Enn zour, Ijas resevar enn lanvlop. Li ouver lanvlop-la. Ladan ti ena enn kart ek enn let. Lor kart-la finn ekrir: "Enn sirpriz pe atann twa. Lir mo let."

Ijas sey panse ki Vikram finn avoy li sann fwa-la. Dernie fwa, li ti avoy li enn kastet matematik. Ijas ouver let-la, me nanye pa finn ekrir lor la. Paz-la vid. Eski Vikram finn fer enn erer? Eski li bizin fer kiksoz avek sa papie-la? Ijas sey pliy li, me nanye pa arive.

Ijas reget kart-la. Li trouv enn desin enn laflam kouler zonn lor kart-la. Li panse Vikram finn sey donn li enn indis. Vit li galoupe li al dan lakwizinn. "Mama, mo bizin enn dife. Mo bizin sof sa let-la."

Ijas so mama ed li alim enn labouzi. Ijas tini papie-la enn ti distans ek labouzi-la. Li tap-tap so lipie telma li inpasian. Ki pou arive la?

Apre inpe letan, bann mo kouler maron koumans aparet. "Tar! Get sa bann mo-la, mama!" Ijas kriye telma li exsite. Ijas ek so mama lir bann mo-la: "Kot nou zwe kanet." Ijas so mama pa konpran mesaz-la me Ijas koumans sot-sote ek li dir: "Mo kone kot bizin ale." Li galoupe, li sorti deor ek li al anba enn pie lets i dan so lakour.

Me Ijas pa trouv nanye laba. Li bien tris. Li ti sir ki li ti pou gagn enn deziem indis isi. Ler li tourne pou ale, li gagn enn sok! Vikram pe mars dan so direksion. Li dir, "Vikram! Ki to pe fer isi? To'nn donn mwa enn gran sirpriz. Mo pa ti pe atann pou trouv twa."

"Devine! Mo finn vini parski mo ti anvi manz to mama so briyani." Ijas riye ek may li bien for.

Zis sa moman-la, Ijas so mama kriye: "Briyani finn pare!"

**1. Lir sak fraz ek dir si li Vre ou Fos. Met 'V' ou 'F' dan ron akote sak fraz.**

(i) Aster Ijas ek Vikram res dan mem landrwa.

(ii) Vikram souvan avoy Ijas let.

(iii) Ijas finn desir Vikram so let.

**Anserkle bon repons.**

2. Kan Ijas resevwar Vikram so let, li .....

A tris

B ankoler

C sirpri

D kontan

3. Dan lanvlop ki Vikram finn avoye, .....

A pena nanye

B ena enn kart selman

C ena enn let selman

D ena enn kart ek enn let

4. "ENN sirpriz pe atann twa." Sirpriz-la se .....

A Vikram so vizit

B mama so briyani

C Vikram so desin

D mama so led

5. Enn bon tit pou sa pasaz-la se « ..... »

A Enn demenazman

B Enn mesaz sekre

C Enn devwar matematik

D Enn konpetision kanet

M
HG
QC
CE

**Aster, reponn sa bann kestion-la.**

6. Ki abitie ena dan Vikram so bann let?

..... [1]

7. Kifer Ijas panse ki Vikram finn fer erer?

..... [1]

8. Ki zafer indik Ijas ki li bizin sof let-la?

..... [1]

9. Ki arive kan Ijas sof let-la?

..... [1]

10. Kifer Ijas exsite kan li lir let-la?

..... [1]

11. Remet sa bann evennman-la dan lord ki zot paret dan zistwar-la. Ekrir 1, 2, 3  
dan bann kare-la.

Ijas may Vikram.

Ijas konpran Vikram so mesaz.

Ijas al anba pie letsipou rod enn lot indis.

[3]

M
HG
QC
CE

**Kestion 5 (10 pwin)**

- i) **Met bann mo an-ord pou fer enn fraz.**

bon – enn – kot – ena – boulanzri – mwa – pre

---

- ii) **Separ bann mo pou fer enn fraz.**

Mokontanalpromnedanliver.

---

- iii) **Koup mo anplis dan sa fraz-la.**

Mo ser pe met lor disik dan so dite.

- iv) **Azout azektif ‘tipti’ dan sa fraz-la.**

Get sa lisien-la kouma kokas!

---

- v) **Met sa fraz-la dan form negatif.**

Li pe dekoup enn triyang rouz.

---

- vi) **Transform sa fraz-la dan so form interogatif.**

Li kontan avoy boukou mesaz.

---

- vii) **Ekrir enn fraz avek sa bann mo-la.**

fatige – dormi

---

M
HG
QC
CE

### Kestion 6A (5 pwin)

**Konplet bann tire avek bann mo ki finn done (enn mo par tire). Finn fini fer enn lexanp pou twa. Ena enn mo anplis.**

lafarinn      lafore      rann      akoz      me      rasion      gato

Enn zour, poul desid pou kwi enn gato pou tou zanimo, ..... li mank sertin ingredian. Li demann lapin si li kapav ..... enn servis aste diber. Lapin reponn ki li pa pou kapav..... li okipe. Li demann kanar si li kapav donn li ene liv ....., me li reponn ki li pena. Denn dir ki li ti kapav donn disik, me sa riske diminie so .....

### Kestion 6B (5 pwin)

**Aster, ranpli bann tire avek to prop mo pou kontign sa text-la.**

Poul dir pa fer nanye. Li demann so bann pousin al laboutik pou ..... ingredian ki manke. Kan gato fini kwi, pe santi enn bon ..... dan laferm. Tou zanimo koste pou gagn enn ..... gato pou manze. Me poul dir: "Kan mo ti demann ..... ingredian ki ti manke, personn pa ti ed mwa. Aster zis bann pousin ki pou gagn gato". Tou zanimo gagn ..... ek dir ki, laprosenn fwa, zot pou ede.

### Kestion 7A (5 pwin)

**Koriz bann fot ki ena dan sa text-la. Finn fer enn lexanp pou twa.**

Ti-prins ti ena enn (**fleure**) ..... **fleur** ..... ki li extra kontan. Toulezour, li (**aroze**)  
 ..... li ek (**coz**) ..... avek li pou ki li pa santi li  
 tousel. (**Ene**) ..... zour, li trouv de seni ki ti pe manz petal so fler. Li  
 (**panik**) ..... ek vit-vit li tir seni-la ek kouver so fler avek enn bokal  
 (**en**) ..... ver.

### Kestion 7B (5 pwin)

**Servi bon form verb pou konplet sa text-la.**

Kan mo (**fatig**) ..... , mo kontan (**ale**) ..... lamer.  
 Souvan, mo bann kamarad (**vini**) ..... avek mwa. Lerla, nou  
 (**ramase**) ..... kokiyaz, naz dan delo ek apre, nou (**manze**)  
 ..... enn bon sorbe.

M
HG
QC
CE

## Kestion 8A (6 pwin)

Servi bann mo ki finn done pou ekrir enn fraz lor sak zimaz pou fer enn ti-zistwar.



enn zour - zwe - lakour


---



---



---



enn kout - boul - lakaz

---



---



---



finalman - lesel - tir

---



---



---

M
HG
QC
CE

## Kestion 8B (4 pwin)

**Servi bann konekter ki ant braket pou relie sa bann fraz-la. Pa blye fer sanzman ki bizin.**

**Lexanp:**

Revey pe montre midi. Finn arriv ler pou rekreation. **(ek)**

Revey pe montre midi ek finn arriv ler pou rekreation.

.....

1. Laklos sone. Tou zanfan galoupe pou al dan lakour. **(kan)**

.....

.....

2. Wendy pa zwe lor balanswar. Wendy per pou tonbe. **(pariski)**

.....

.....

3. Ryan amenn enn sak ti-kanet. Ryan zwe avek so kamarad. **(pou)**

.....

.....

4. Rekreation fini. Tou dimounn rant dan klas. **(kouma)**

.....

.....

M
HG
QC
CE

## Kestion 9 (10 pwin)

Enn zour, to al fer enn exkirsion avek to bann kamarad dan lafore. Enn kout, zot realize ki zot finn perdi.

**Rakont enn zistwar environ 100 mo pou dir ki finn arrive lerla.**

## **Sa bann kestion-la kapav ed twa:**

- Ki lafore zot ti ale?
  - Kan zot finn realize ki zot finn perdi?
  - Ki zot finn resanti lerla?
  - Ki zot finn fer pou retrouv zot semin?
  - Ki finn arive alafin?

M  
HG  
QC  
CE

**BLANK PAGE**

**BLANK PAGE**

**BLANK PAGE**